



INFO

Januar / Veljača / Март, 2023. god.

srijeda 15. mart 2023

12. IZVANREDNA SJEDNICA SKUPŠTINE

Dnevni red

5. Izlaganje programa kandidata za izbor gradonačelnika
6. Gostovanje o predloženim kandidatima i izbor gradonačelnik
7. Zajed Nišić



Vlada Distrikta usvojila Strategiju za mlade za period 2022/2026.

Vlada Brčko distrikta Bosne i Hercegovine je na održanoj 85. redovnoj sjednici usvojila Nacrt odluke o usvajanju prijedloga Strategije za mlade Brčko distrikta BiH za period 2022/2026. godine kojeg je predložilo Odjeljenje za stručne i administrativne poslove.

Kako je navedeno, Strategija za mlade Brčko distrikta BiH za period 2022/2026. godine predstavlja strateški dokument namijenjen boljem položaju mlađih u Brčko distriktu BiH

kao i efikasnim upravljanjem postojećim i novim resursima ove administrativne jedinice. Cilj ove strategije je da se unaprijedi položaj mlađih, omladinskog sektora i omladinskih organizacija kao i odnos vlasti i mlađih te podrži sveobuhvatan pristup izgradnji socijalnih, ekonomskih, obrazovnih, kulturnih i drugih uslova za trajnu dobrobit mlađih i njihovo aktivno i odgovorno učešće u društvenoj zajednici u kojoj žive.

Одобрени приједлози Одјељења за образовање по питању високошколских установа, студијских програма и академских звања

Влада Брчко дистрикта Босне и Херцеговине окончала је 86. редовну сједницу усвојивши приједлоге Одјељења за образовање, а тичу се регулисања одређених питања за високошколске установе на подручју Дистрикта, студијских програма као и избор у академска звања.

Наиме, одобрене су смјернице за израду нацрта Правилника о изменама Правилника о акредитацији високошколских установа и студијских програма у Брчко дистрикту БиХ. Како је наведено из Одјељења, циљ који се жели постићи овим прописом је усклађивање истог с Законом о високом образовању у Брчко дистрикту БиХ, Оквирним законом о високом образовању у БиХ и Одлуком о нормама којима се утврђују минимални стандарди у подручју високог образовања у БиХ те препорукама Агенције за развој високог образовања и осигурање квалитета у БиХ како би се регулисао процес издавања решења за акредитацију високошколских установа и студијских програма.

Влада је уједно одобрila смјернице за израду нацрта Правилника о поступку лиценцирања студијских програма у Брчко дистрикту БиХ којим ће се детаљније прописати оснивање и укидање студијских програма, те истовремено извршити усклађивање истог с Препорукама о критеријумима за лиценцирање високошколских установа и студијских програма у БиХ.

Такође су одобрене Смјернице за израду нацрта правилника о општеприхваћеним стандардима и критеријумима за избор у академска звања на подручју Брчко дистрикта БиХ. Шеф Одјељења за образовање појаснио је да ће доношењем овог подзаконског акта уредити материја која регулише поступак избора у академска звања на подручју Брчко дистрикту БиХ, односно детаљније прописати услове за избор у научно-наставна, умјетничко-наставна, наставна и сарадничка звања.

Upriličen prijem za ambasadora Pakistana u BiH

Gradonačelnik Brčko distrikta Bosne i Hercegovine Esed Kadrić i glavni koordinator Vlade Željko Antić su u Gradskoj vijećnici upriličili prijem za ambasadora Islamske Republike Pakistana u BiH Nj. e. Akhtar Jamil Rao.

Radi se o prvoj posjeti ambasadora Raoa otkako je preuzeo pomenutu funkciju u septembru 2021. godine. Gradonačelnik Kadrić i koordinator Antić upoznali su

ambasadora s trenutno pokrenutim kao i planiranim aktivnostima i infrastrukturnim projektima na području Distrikta. Ambasador je pohvalio rad brčanske Vlade, ističući da je upoznat s potencijalima ovog područja kao i olakšicama koje Brčko nudi za inostrane investitore, a što će pogodovati za razvijanje dobre saradnje.



U Gradskoj vijećnici otvorena izložba „Prvaci/prvakinje“

Izložba fotografija pod nazivom „Prvaci/prvakinje“ koju je pripremilo Veleposlanstvo Francuske u Bosni i Hercegovini otvorena je u Gradskoj vijećnici pozdravnim riječima dogradonačelnika Distrikta dr. Ante Domića, veleposlanice Francuske u BiH Nj. E. Christine Toudic i supervizora za Brčko distrikt BiH gosp. Jonathana Mennutija.

Dogradonačelnik dr. Domić zahvalio se veleposlanici na odabiru Brčkog za upriličenje ove izložbe, kao i supervizoru, kazavši kako predstavljaju primjer razvijenog društva jednakih mogućnosti čemu nagnije i Distrikt.

„Mi smo multietnička sredina koja je imala uspone i padove, a koja ima za cilj napredovati i postati društvo jednakih mogućnosti, da naši mladi ljudi vide kako se može postići vrhunski cilj iako je to ponekada teško i trebaju ostati ovdje. Primjer tome pokazan je na fotografijama ovih sportaša koji su postigli zavidne uspjehe iz naizgled nemogućih situacija i na koje se trebamo ugledati kako bismo se razvili u moderan, europski grad“, kazao je Domić.

„Vrlo sam radosna što sam u Brčkom i što smo danas upriličili otvorene ove izložbe. Meni je stalo da svaki put kada priredim jednu izložbu u Sarajevu, istu priredim i u Brčkom, i draga mi je da je sa nama danas i supervizor“, izjavila je veleposlanica Toudec.

Supervizor Mennuti zahvalio se Vladi Distrikta na pružanju mogućnosti da Ambasada Francuske organizira foto-izložbu koja nosi jaku poruku. „Izložba prikazuje sportaše i sportašice koji mogu poslužiti kao inspiracija, napornim radom i trudom zaista se mogu ostvariti ciljevi koje zacrtate“, istakao je Mennuti.

Nakon otvorenja izložbe, uslijedio je sastanak kojem su, u ime Brčko distrikta BiH, nazočili dogradonačelnik dr. Anto Domić, predsjednik Skupštine Siniša Milić, dopredsjednik Ivo Filipović i predstojnik Odjela za obrazovanje Zoran Bulatović s veleposlanicom Toudic i supervizorom Menuttijem. Nazočni su razgovarali o trenutnim aktivnostima u Distriktu, a posebno o budućem uvođenju francuskog jezika kao školskog predmeta.





Čelnici Distrikta održali sastanak s predsjedavajućim arbitrom Arbitražnog tribunala za Brčko

Gradonačelnik Brčko distrikta Bosne i Hercegovine Esed Kadrić, zamjenik gradonačelnika dr. Anto Domić, predsjednik Skupštine Siniša Milić i potpredsjednik Skupštine Ivo Filipović održali su u Gradskoj vijećnici radni sastanak s predsjedavajućim arbitrom Arbitražnog tribunala za Brčko Johnom Clintom Williamsonom i supervizorom za Brčko Jonathanom Mennutijem.

Čelnici su arbitra informisali o aktuelnoj političkoj situaciji i funkcionisanju institucija u Brčko distriktu BiH. Ujedno su Williamsona upoznali s funkcionisanjem novih institucija Komisije za odlučivanje o sukobu interesa i Ureda za prevenciju korupcije i koordinaciju aktivnosti na suzbijanju korupcije.

Na sastanku je razgovarano o aktuelnim izazovima s kojima se suočavaju Vlada i Skupština Distrikta kao

što je inflacija koja je pogodila mnoge kategorije stanovništva, ali i preduzetim mjerama koje vode umanjenju efekata iste. Govorilo se o mjerama unapređenja privrednog razvoja i koracima u reformi upravnog sistema te njegovog usklađivanja s evropskim standardima.

Arbitar Williamson zadovoljan je dosadašnjim radom Vlade i Skupštine, a posebno je pohvalio zajedničko djelovanje u pravovremenom i transparentnom usvajanju budžeta.

On je ujedno izrazio svoje zadovoljstvo povodom provođenja Naloga supervizora o spomenicima u Brčkom, a koji se odnosi na izgradnju Spomenika civilnim žrtvama rata, čije će otvaranje biti upriličeno narednog mjeseca.

Arbitar Williamson je prethodno boravio u Distriktu na sastanku sa zvaničnicima u novembru 2021. godine.

Brčko poslalo pomoć stradalima u katastrofalnom zemljotresu u Turskoj i Siriji





Vlada Brčko distrikta Bosne i Hercegovine uputili su hitnu pomoć stradalima u katastrofalnom zemljotresu koji je pogodio Tursku i Siriju, izjavio je Esed Kadrić, gradonačelnik Brčko distrikta BiH.

„Posredstvom brčanskog Crvenog krsta/križa uputili smo novčanu pomoć u iznosu od 25.000 eura stradalom narodu u Turskoj i Siriji, jer slike koje stižu iz tog područja pokazuju razmjere katastrofe koja je zadesila granični pojas između te dvije države. Nakon konsultacija s kolegama iz Vlade odlučili smo da uputimo ovu pomoć koju smo izdvojili iz sredstava rezerve“, precizirao je gradonačelnik Kadrić.

On je dodao da je i Odjeljenje za javnu sigurnost u Vladi Brčko distrikta BiH posredstvom Ministarstva sigurnosti BiH uputilo ekipu u Tursku od 10 spasilaca kako bi pružili pomoć.

Gradonačelnik Brčko distrikta BiH je podsjetio na veliku podršku spasilačke ekipi iz Turske koju je Distrikt dobio tokom poplava koje su zadesile ovo područje tokom 2014. godine te je odlazak brčanskih spasilaca ujedno i vid uzajamne podrške kao i civilizacijska obaveza.

Nakon povratka ekipa je dočekana ispred prostorija Odsjeka civilne zaštite I dočekali su ih njihovi članovi porodice kao i kolege iz Odsjeka i Crvenog krsta/križa te gradonačelnik Esed Kadrić

i šef Odjeljenja za javnu sigurnost Bogdan Bratić.

„Bili smo raspoređeni u Kahramanmarašu, jedan od gradova koji je najviše pogoden zemljotresom i tamo smo bili pridodati turskoj spasilačkoj službi IHH sa kojima smo vršili potragu za preživjelima. Nažalost, pošto smo radili na objektima koji su potpuno urušeni, nismo pronašli nijednu preživjelu osobu. Radili smo po vjetru, hladnoći, prašini... Najteže je bilo kada smo pronalazili po čitave porodice zatrpane, posljedice razaranja su katastrofalne“ izjavio je vođa spasilačke ekipе Slaviša Lazendić.

„Prije polaska, stupili smo u kontakt sa državljanicom BiH kojoj je bila potrebna medicinska pomoć. Jedan dio tima, naša medicinarka i doktor, otišli su da je obiđu i pruže potrebnu medicinsku pomoć. Pregledani su i ostali mještani koji su bili tu, dali smo lijekove, hranu, vodu i ostalo što je bilo potrebno, i onda smo krenuli kući“ dodao je Lazendić.

„Stradanja su velika, katastrofalna, jedan grad je potpuno urušen. To su jako potresne scene, neopisivo je kad vidite takve razorne posljedice, koliko je stradanja, poginulih... Humanitarna pomoć stiže sa svih strana, ljudima tamo je potrebna psihološka i socijalna pomoć“, izjavila je Emina Hasikić, članica spasilačkog ekipе.

Usvojena Strategija razvoja sporta za razdoblje 2023. - 2028. godine

Na 89. redovnoj sjednici Vlade Brčko distrikta Bosne i Hercegovine na prijedlog Odjela za gospodarski razvitak, šport i kulturu, odobrena je Odluka o usvajanju Strategije razvoja sporta Brčko distrikta BiH u razdoblju 2023. - 2028. godine.

Osnovni cilj ovog dokumenta ogleda se u pružanju

strateške orientacije o ulozi sporta u Brčko distriktu BiH, poticanje rasprave o konkretnim problemima, povećanje uloge sporta u kreiranju politike Brčko distrikta i poticanje javne svijesti o potrebama i posebnostima ovog sektora.

Покренут портал „еУправа“ Владе Брчко дистрикта БиХ

Канцеларија координатора за реформу јавне управе Владе Брчко дистрикта Босне и Херцеговине покренула је портал <https://euprava.bdcentral.net> Владе Брчко дистрикта БиХ.

У првој фази развоја еУправа портала грађанима Брчко дистрикта БиХ стоји на располагању Каталог информација о услугама које пружа јавна управа Брчко дистрикта БиХ преко којег грађани на једном мјесту могу доћи до информација о свим појединачним услугама јавне управе (на који начин остварити услугу, коме се обратити,

која је документација потребна за остваривање услуге и сл).

Наведени каталог информација ће се константно ажурирати релевантним подацима о постојећим или новим услугама јавне управе.

У наредним фазама развоја еУправе Брчко дистрикта БиХ планирана је и надоградња еУправа портала на начин да ће се грађанима омогућити остваривање појединачних услуга електронским путем.

Линк - <https://euprava.bdcentral.net>



POČETNA KATALOG USLUGA KATALOG INFORMACIJA ▾ ORGANI JAVNE UPRAVE ▾ E-REGISTRI

Pretražite informacije

U par koraka do информација о свим услугама јавне управе у Brčko distriktu BiH

Traži...



Izvršena primopredaja završenih radova na sanaciji objekata u Šatorovićima i Boderištu




Povodom sanacije objekata koje podrazumijevaju rekonstrukciju krova na JU XV. osnovna škola Šatorovići i rekonstrukciju mjesnog ureda i ambulante u Boderištu, izvršena je primopredaja završenih radova, a radi se o projektu Ministarstva raseljenih lica i izbjeglica Federacije Bosne i Hercegovine na koji je, krajem 2021. godine, apliciralo Odjeljenje za raseljena lica, izbjeglice i stambena pitanja Vlade Brčko distrikta BiH za sanaciju spomenutih objekata.

„Odjeljenje za raseljena lica je u saradnji sa JU XV. osnovna škola Šatorovići apliciralo i prošlo na javnom pozivu Federalnog ministarstva za izgradnju i obnovu vjerskih, poljoprivrednih, privrednih i društvenih objekata u mjestima povratnika. Vrijednost projekta iznosi oko 60.000,00 KM, u čemu je Vlada Distrikta učestvovala sa 10%, a ostatak učešća je imalo Federalno ministarstvo. Danas vršimo i primopredaju završenih radova na sanaciji mjesnog ureda i ambulante u Boderištu koji su finansirani na isti način“, istakao je v. d. šefa Odjeljenja Vedad Zeherović.

Direktor JU XV. osnovna škola Šatorovići Adnan Kurtalić istakao je važnost apliciranja na ovakve projekte.

„Na staroj školi je kompletno zamijenjena krovna konstrukcija, urađena je nova drvena građa, crijepljivo, novi oluci, potkovi, čime je završena prva faza. Naredna faza koju planiramo je izmjena elektro i vodoinstalacionih radova, odnosno vodova instalacije i zamjena prozora, vrata, odnosno stolarije. Imamo planove da uvedemo informatičke radionice, đačku kuhinju, likovni atelje. Zahvalni smo Odjeljenju i Ministarstvu na realizaciji projekta i nastaviti ćemo aplicirati na ovakvim i sličnim projektima“, izjavio je Kurtalić.





Otkriven Spomenik civilnim žrtvama rata u Brčkom



Gradonačelnik Brčko distrikta Bosne i Hercegovine Esed Kadrić na platou iza Vijećnice zajedno s njegovim zamjenikom dr. Antonom Domićem, predsjednikom Skupštine Brčko distrikta BiH Sinišom Milićem i supervizorom za Brčko distrikat BiH Jonathanom Mennutijem svečano otkrio je Spomenik civilnim žrtvama rata u Brčkom u periodima stradanja 19391945. i 19921995. godine. U svom obraćanju gradonačelnik Kadrić istakao je važnost otkrivanja ovog spomenika.

„Nije nam bila primarna želja da pokažemo drugima da smo jedinstven primjer, već da gradimo istinske osjećaje zajedništva i jednog korektnog odnosa prema svakome ko je civilna žrtva rata. Želim da ovaj spomenik, u vremenu koje je pred nama, bude u funkciji iskazivanja poštovanja prema civilnim žrtvama rata, i nadam se da će ljudi dolaziti na ovaj prostor i promišljati o svim negativnim posljedicama sukoba ili promišljati o tome koliko je značajan ljudski život i ljudsko dostojanstvo kako bismo se na ovom mjestu mogli odgajati i učiti naše generacije da nikada ne dozvole da se slična zla ponove onima koji će živjeti u Brčkom i poslije nas“, kazao je Kadrić.

Zamjenik gradonačelnika Brčko distrikta BiH dr. Anto Domić kazao je da spomenik civilnim žrtvama treba da bude opomena za budućnost s ciljem traženja kompromisa i tolerancije drugog i drugačijeg.

„Moramo graditi zajednički život na ovom našem zajedničkom prostoru, koji zajedno dijelimo i gdje smo upućeni jedni na druge. Želim iskazati sućut svim porodicama civilnih žrtava, kao i udruženjima civilnih žrtava rata i za sve one koji su stradali.

Dolaskom na ovo mjesto sjećat ćemo se i očuvati vječnu uspomenu na sve koji su poginuli i čiji je život prekinut naprasnim radnjama i ljudskim zlom“, kazao je Domić.

Predsjednik Skupštine Brčko distrikta BiH Siniša Milić istakao je svoju nadu da će otkrivanje zajedničkog spomen-obilježja civilnim žrtvama rata predstavljati snažan iskorak u pravcu procesa pomirenja na prostorima Brčkog.

„Ovo mjesto treba da bude ne samo mjesto sjećanja već i opomene da se nikada i nigdje ovakvi i slični zločini ne ponavljaju. Mislim da je za mene ključna poruka da sve civilne žrtve rata bez obzira na mjesto, vrijeme, naciju, vjeru, zaslužuju jednako poštovanje i da je neophodno da napravimo otklon od svih pokušaja da se u tom smislu prave nekakve političke i druge razlike“, kazao je Milić.

Supervizor za Brčko distrikat BiH Jonathan Mennuti rekao je da je uvjeren da će spomen-obilježje biti mjesto gdje će ljudi dolaziti da se sjećaju i razmisle o onome što se dešavalo u prethodnom periodu.

„Također, i da na ovom mjestu razmisle o budućnosti i o obavezi koju svi imamo da spriječimo da se stvari koje su desile u prošlosti više ne ponove. Ovo je, također, primjer šta se sve može postići kada se radi u duhu saradnje, u duhu međusobnog uvažavanja i u saradnji s predstavnicima međunarodne zajednice“, istakao je Mennuti.

Svečanom otkrivanju spomenika prisustvovali su i predstavnici zakonodavne i izvršne vlasti Brčko distrikta BiH, predstavnici udruženja i članovi porodica civilnih žrtava rata, ambasadori u BiH, predstavnici međunarodnih organizacija kao i građani.



У Брчком постављене четири „паметне клупе“

На четири атрактивне локације у Брчком су постављене су „паметне клупе“ у непосредној близини Вијећнице, зграде Владе, на Тргу младих и Основног суда које ће понудити бројне предности грађанима. Клупе су опремљене соларним панелима, бесплатном бежичном мрежом (*Wi-Fi ruter*), сензорима као и LED заслоном на којем ће се, између осталог, моћи наћи и туристичке информације везане за град Брчко.

Такође, захваљујући соларним панелима и постављеним батеријама, клупе ће се моћи користити и по ноћи, а кориснику ће бити омогућено да путем четири *USB* прикључка и два бесконтактна пуњача пуни батерије на свом мобилном уређају.

„Паметне клупе“ обезбиједила је Влада Брчко дистрикта Босне и Херцеговине у сарадњи са Туристичком организацијом Брчко дистрикта БиХ и за њихову изградњу издвојено је око 40.000,00 КМ.

Održan sastanak sa Parlamentarnom grupacijom „Zeleni klub“

U Gradskoj vijećnici održan je sastanak između gradonačelnika Brčko distrikta Bosne i Hercegovine Eseda Kadrića, dogradonačelnika dr. Ante Domića s predstavnicima „Zelenog kluba“ poslanika Parlamenta BiH, kao i zastupnicom u Skupštini Distrikta i članicom „Zelenog kluba“ Miljanom Simić.

U ime „Zelenog kluba“ sastanku su nazočili Branislav Borenović, Želimir Nešković, Jasmin Emrić i Esad Mavrić.

Tijekom radnog sastanka, nazočni su razgovarali kako o dosadašnjim, tako i o budućim aktivnostima koje će Distrikt poduzeti u svrhu uvođenja novih trendova i promjena iz tzv. „Zelene agende“, što, između ostalog, podrazumijeva korištenje obnovljivih izvora energije te prilagođavanje klimatskim promjenama.

Ujedno, nazočni su razgovarali o nužnim

pripremama za organiziranje konferencije na tematiku obnovljivih izvora energije, klimatskih promjena i zaštite životne sredine, koja će se u narednom razdoblju održati upravo u Brčkom.

Predstavnici „Zelenog kluba“ pohvalili su dosadašnje procese koje su vlasti u Brčkom pokrenule, kazavši kako Brčko ima velike predispozicije da kao prva zajednica u BiH stekne status „Zelenog grada“.

Podsjećamo, Brčko distrikt BiH se, potpisivanjem Akcijskog plana „Zeleni gradovi“ pridružio mreži gradova koji nastoje da zaštite životnu sredinu i poboljšaju kvalitet života svojih građana.

„Zeleni klub“ osnovan je s ciljem jačanja javnog dijaloga u području energetike, pitanjima iz područja obnovljivih izvora energije, klimatskih promjena, energetske učinkovitosti i zaštite okoliša.





Одсјек за цивилну заштиту добио нове просторије

Градоначелник Брчко дистрикта Босне и Херцеговине Есед Кадрић заједно са шефом Одјељења за јавну безбједност Богданом Братићем обишао је новоотворене просторије у Бесцаринској зони у Брчком намијењене за прелазак припадника Одсјека цивилне заштите, чиме се рјешава дугогодишњи проблем недовољног простора и пружа могућност ширења капацитета исте.

„У прошлој години Влада је уложила одређена средства како би се овај објекат ставио у функцију те је извршена његова санација и сада смо све јединице пребацили у овај простор. У наредној фази планирана је изградња полигона за вјежбу који ће се користити за оспособљавање наших јединица, као и санирање објекта поред, ако бисмо и тамо пребацили одређене капацитете“, изјавио је шеф Братић.

Градоначелник Есед Кадрић објаснио је двојаку корист уступања нових просторија Цивилној заштити.

„У једноме, њима смо обезбиједили неопходне просторије и тиме боље услове за рад, јер се ради о добро опремљеном објекту ван централне градске зоне што погодује за све активности којима се бави Одјељење и његове службе. Друго, Пододјељење за људске ресурсе је у овој школи организовало полагање возачких испита, због чега су физичка лица улазила у школу за вријеме наставе и фактички ометали ученике у одвијању наставног процеса. Стављањем ових просторија на располагање поменутом Пододјељењу испунили смо дugo исказивани захтјев ученика, родитеља и наставног особља Треће основне школе“, изјавио је градоначелник Кадрић.

Predstavnici Vlade, Skupštine i menadžmenta JZU razgovarali s uposlenicima Zdravstvene stanice Bijela

Nakon što je najavljena obustava rada uposlenika Zdravstvene stanice Bijela, dogradonačelniku dr. Anto Domić je s članovima Vlade posjetio ovu stanicu kako bi razgovarao s uposlenicima. Nazočni su bili predstavnici Skupštine kao i menadžment JZU „Zdravstveni centar“.

„Mi imamo tri ključna zahtjeva, a to su plaćanje putnog troška, jer dosta nas putuje od različitih relacija i nismo nikada imali plaćene te troškove, a s obzirom na trenutne cijene goriva i inflaciju, to nama sada predstavlja veliki problem i izdatak. Zatim, povećanje plaće za 10% i sklapanje kolektivnog ugovora koji do sada nismo uspjeli ostvariti. Zamolila bih naše pacijente da imaju strpljenja i razumijevanja za novonastalu situaciju“, izjavila je novinarima voditeljica Zdravstvene stanice Bijela dr. Luca Topalović.

Predstojnik Odjela za zdravstvo i ostale usluge Sead Šadić istakao je žaljenje zbog nastale situacije.

„Odjel za zdravstvo i ostale usluge je o ovome saznao putem medija i mislim da su ovo stvari koje su se moglo institucionalno riješiti. Vlada Brčko distrikta BiH je uveliko pokrenula procedure za povećanje plaće i svakako radi na rješavanju ovih situacija o kojima se već godinama govori, kao što su putni troškovi. Nakon konzultacija s rukovodstvom Vlade, gradonačelnikom i zamjenikom, djelovat ćemo zajedno s menadžmentom i ove zahtjeve prihvatići, ne samo u interesu uposlenika, nego i naših pacijenata“, izjavio je Šadić.

„Zdravstvena ustanova postoji od 2013. godine, ranije

je djelovala u sastavu Odjela za zdravstvo, a kolektivni ugovor, kojim se detaljnije reguliraju prava i obveze uposlenika, nije izrađen. Mi smo u fazi sačinjavanja radnih skupina koji će usuglasiti materijal i elemente ugovora, naravno u saradnji s radnicima Zdravstvene stanice Bijela i sa Sindikatom nezavisnih radnika u zdravstvu. Upoznali smo Vladu i Skupštinu o aktivnostima, u stalnoj smo komunikaciji sa Upravnim odborom, kako bismo što prije okončali ovu situaciju na najkvalitetniji mogući način“, istakao je ravnatelj JZU Emir Osmanović.

Dogradonačelnik dr. Anto Domić kazao je da se radi o zakonitom štraju zdravstvenih radnika jer su se njihovi problemi i poteškoće zanemarivali, te da se radi o složenom problemu koji ne može riješiti samo jedna osoba niti jedna pozicija.

„Svi su danas ovdje došli s razlogom, upoznati se s problemom koji ne može riješiti jedna osoba niti može riješiti jedna pozicija. Ovo je iskorak što su uradili djelatnici Zdravstvene stanice u Bijeloj, koji su krenuli alarmirati na problem u kojem se nalaze, kao i teškoću obavljanja posla uvažavajući činjenicu da je profesija kojom se bave u drugim državama jako tražena, višestruko plaćena, s višestruko boljim uvjetima za rad. Nas to mora držati budnima, stoga im se treba osigurati adekvatna materijalna sredstva u smislu plaćanja putnih troškova, minulog rada, noćnog rada, dežurstva, prekovremenog rada i slično“, izjavio je dogradonačelnik dr. Anto Domić.





Одржан Фестивал „Дјечија машта може свашта“ Лана Јефимић побједница

У оквиру програма обиљежавања 23. годишњице Брчко дистрикта Босне и Херцеговине одржан је Фестивал „Дјечија машта може свашта“ у сали брчанске Гимназије. Фестивал је, у име градоначелника и Владе Брчко дистрикта БиХ, отворила савјетница Славица Павловић, која је главну Гранд При награду додијелила овогодишњој побједници Фестивала Лани Јефимић са композицијом „Сунце из сузе“.

Стручни жири донио је одлуку и о другим наградама, па је тако прву награду Фестивала освојио Имран Халиловић са пјесмом „Не знам шта ми је“. Другу награду освојили су Мато и Ана Јурковић за дует „Играјмо се“, те Мелиса Шерифовић и пјесма „Хакер мога

срца“. Треће награде освојиле су Ајша Бикић за пјесму „Хоћу одмах да порастем“, Зерина Бикић за пјесму „Дала бих му кошуљу од ружа“ и Лара Сметановић за пјесму „Дама“. Награду за најбољи сценски наступ освојио је Леон Павловић за своју композицију „Сила ником није мила“, а двије посебне награде стручног жирија освојили су Адна Пекарић за пјесму „На часу фолклора“ и Давид Дивковић за пјесму „Трпим васпитање“.

Прије одржавања фестивала градоначелник Брчко дистрикта БиХ Еесед Кадрић организовао је пријем за ученичке фестивала „Дјечија машта може свашта“.

Održan sastanak između predstavnika Distrikta i Svjetske banke u BiH

U Gradskoj vijećnici održan je sastanak između predstavnika Vlade, Skupštine i Direkcije za financije Vlade Brčko distrikta Bosne i Hercegovine s konsultantima Svjetske banke u Bosni i Hercegovini koji su predstavili pravnu i finansijsku analizu javnih poduzeća koja djeluju na području Distrikta.

Sastanku su nazočili gradonačelnik Brčko distrikta Esed Kadrić, dopredsjednik Skupštine Ivo Filipović, skupštinski zastupnici Srđan Blažić i Ljubiša Lukić, ravnateljica Direkcije za financije Janja Geljić, savjetnica gradonačelnika Slavica Pavlović te specijalist za upravljanje Svjetske banke Zuhra Osmanović-Pašić i konzultanti Sabina Đapo, Mirna Milanović Lalić i Nedžad Suljović.

Suradnja između Brčko distrikta BiH i Svjetske banke u BiH, koja pruža tehničku pomoć entitetima i Brčkom u okviru projekta „Podrška boljim, uspješnijim, održivijim i transparentnijim državnim poduzećima“, traje od svibnja 2022. godine. Za to vrijeme eksperti iz oblasti prava i financija izvršili su analizu svih

zakonskih i podzakonskih akata po kojima javna poduzeća posluju te su prvi nalazi predstavljeni na današnjem sastanku.

Predstavnici Svjetske banke istakli su da je cilj analize pružanje uvida o upravljanju sektorom javnih poduzeća koristeći smjernice Organizacije za ekonomsku suradnju i razvoj (OECD).

Gradonačelnik Brčko distrikta BiH Esed Kadrić zahvalio je predstavnicima Svjetske banke na sveobuhvatnoj analizi koja je prezentirana na sastanku i istakao važnost preporuka koje će biti svojevrstan prijedlog kako dalje djelovati u cilju ključnih reformi za poboljšanje upravljanja javnim sektorom što predstavlja osnovu za poboljšanje transparentnosti, učinkovitosti i održivosti ovog sektora.

U narednim koracima predstavnici Svjetske banke sastat će se sa predstavnicima javnih poduzeća u Brčko distriktu nakon čega će predstaviti konkretne preporuke za poboljšanje njihovog rada u cilju kreiranja boljeg ekonomskog okruženja u Brčkom.



ODRŽANA Svečana akademija povodom obilježavanja 23. godine Brčko distrikta BiH







Čelnici Distrikta održali sastanak s ambasadoricom Austrije u BiH

Gradonačelnik Brčko distrikta Bosne i Hercegovine Esed Kadrić, zamjenik gradonačelnika dr. Anto Domić i predsjednik Skupštine Siniša Milić održali su sastanak s ambasadoricom Austrije u BiH Nj.E. Ulrikom Hartmann.

Radi se o drugoj posjeti ambasadorice Hartmann, nakon njene posjete u martu 2021.godine kada je sa čelnicima Brčko distrikta razgovarala o planovima i obavezama vlasti u Distriktu, što je uključilo i najvažnije infrastrukturne projekte.

Tokom razgovora, ambasadorica je istaknula primijetan napredak Distrikta, te pohvalila rad vlasti u efikasnom ostvarenju aktivnosti i projekata, a jedan od dokaza tome je današnje polaganje kamena temeljca za izgradnju Studen Business Centra koji će zaposliti preko hiljadu radnika. Hartmann je dodala da postoje interesi austrijskih preduzeća i privredne komore za ulaganje u Brčko, kao i intenziviranom saradnjom s vlastima, naručito u oblastima energetike i otpadnih voda.

Влада осудила напад навијачке групе на аутобус

Влада Брчко дистрикта Босне и Херцеговине на одржаном колегијуму осудила је напад групе навијача извршен 1. 3. 2023. године у 22.59 часова на аутобус у којем су се налазили млади фудбалери Клуба малог фудбала „Радник Сити“ из Бијељине.

На колегијуму је истакнуто да овај догађај опомиње да са младим људима цијело друштво треба у континуитету радити, а све нас упућује на значај међусобне

толеранције и потребне кохезије цјелокупне заједнице као вриједности које су кључне у превенцији и супротстављању овакве врсте инцидената.

Влада Брчко дистрикта Босне и Херцеговине даје пуну подршку надлежним институцијама Брчко дистрикта Босне и Херцеговине да наставе професионално обављати свој посао, приоритетно раде на превентивно на њиховом сузбијању.

Odobrene smjernice na prijedlog Odjela za raseljene osobe, izbjeglice i stambena pitanja

Prijedlog Odjela za raseljene osobe, izbjeglice i stambena pitanja koji se tiče smjernica za izradu Nacrta odluke o načinu raspodjele sredstava za realizaciju programa stambenog zbrinjavanja, sanacija/rekonstrukcija ratom oštećenih/porušenih stambenih jedinica na području Brčko distrikta BiH za 2023. godinu zvanično је одобрен на sjednici Vlade Brčko distrikta Bosne i Hercegovine.

Ovom Odlukom odredit će se način провођења procedure за odabir korisnika помоći u programu stambenog zbrinjavanja, sanacije/rekonstrukcije, ratom oštećenih/porušenih stambenih objekata, vlasnicima stambenih objekata na području Distrikta, чiji stambeni objekti, uslijed oštećenja u ratu, ne zadovoljavaju minimalne stambene uvijete shodno propisanim Standardima za obnovu i izgradnju stambenih jedinica i objekata u svrhu stambenog zbrinjavanja.

Ujedno, одобрени су Smjernice za izradu Nacrt Nacrta o načinu raspodjele sredstava za stambeno zbrinjavanje raseljenih osoba i izbjeglica koji se žele integrirati u lokalnu zajednicu za 2023. godinu na prijedlog spomenutog Odjela.

To podrazumijeva definiranje načina, provođenja procedure za odabir korisnika помоći u stambenom zbrinjavanju izbjeglica i raseljenih osoba koja se žele integrirati na razini lokalne zajednice s ciljem osiguranja trajnih rješenja za najugroženije izbjegle osobe i raseljena osobe u Bosni i Hercegovini, vrsta помоći, osnovu za dodjelu помоći, opći i posebni uvjeti za dobivanje помоći kao i način dokazivanja i vršenja provjera ispunjavanja općih i vrjednovanja posebnih kriterija, te provođenje postupka odabira korisnika помоći uključujući formiranje i način rada povjerenstva.



Svečano položen kamen temeljac za izgradnju STUDEN Business Center u Brčkom



Gradonačelnik Brčko distrikta Bosne i Hercegovine Esed Kadrić zajedno sa svojim zamjenikom Antom Domićem, predsjednikom Skupštine Brčko distrikta BiH Sinišom Milićem, supervizorom za Brčko distrikt BiH Jonathanom Mennutijem, ambasadoricom Austrije u BiH Ulrike Hartmann i Ilijom Studen, predsjednikom Uprave STUDEN&Co Holding svečano položio je kamen temeljac za izgradnju STUDEN Business Center u industrijskoj zoni (bivša baza McGovern) koji bi trebao zapošljavati oko hiljadu radnika.

Gradonačelnik Esed Kadrić je kazao da je ovim činom ozvaničen početak izgradnje Biznis centra kao i izgradnje nove perspektive za Distrikt i građane koji žive u ovoj zajednici.

„Svjedočimo praktičnom ostvarenju rezultata rada i napora koje je Vlada Distrikta uložila. Zaista smo vrijedno administrativno radili kako bi stvorili prepostavke da se počne s izgradnjom prve slobodne ekonomske zone u Distriktu u organizaciji kompanije STUDEN. Ovo je zona nove perspektive za Distrikt i građane koji žive u ovoj zajednici i ovo sada stvara novu paradigmu jednog uspješnog razvoja, jednog naprednog grada i zajednice koja će biti u mogućnosti da stvori dobre prepostavke svojim građanima za kvalitetan život na ovim prostorima“, kazao je gradonačelnik Kadrić.

Zamjenik gradonačelnika dr. Anto Domić je naglasio da je polaganje kama temeljca dokaz da administracija Distrikta ima mehanizme i instrumente da na vrijeme izda sve dozvole koje su potrebne za važan kapitalni projekt.

„Nadam da će ova privredna zona sprječiti odlazak ljudi, ali i omogućiti i povratak jednog dijela naših ljudi koji su već napustili ove krajeve jer prema najavama poslova i plata koje će biti ovdje trebali bi biti motivirajući čin za povratak onih koji su napustili ovu zajednicu“, kazao je Domić.

Predsjednik Skupštine Siniša Milić istakao je da je sve počelo 2019. godine kada je potписан memorandum o razumijevanja između Vlade Distrikta i STUDEN&Co Holding grupacije.



„Ovaj projekat mislim da će služiti kao pozivnica, odnosno poziv drugim investitorima da na tragu ove investicije dođu u Brčko i pokušaju da realizuju svoje poslovne ideje u saradnji s lokalnom administracijom. Sigurno je da ćemo se i kroz zakonodavnu aktivnost truditi da dalje doprinosimo stvaranju jednog dobrog poslovnog ambijenta“, kazao je Milić.

Supervizor za Brčko distrikt BiH Jonathan Mennuti kazao je da ekonomski razvoj, rast privatnog sektora zajednički predstavljaju najbolje osnove za razvoj i izgradnju prosperitetne budućnosti i za ostanak građana u Brčko.

„Ovakva jedna poslovna zona uz projekte koji se odvijaju u oblasti saobraćaja, most, Luka, autoputevi, zajednički idu ka stvaranju boljeg okruženja za poslovanje. Također, i iskorijenjivanje korupcije doprinijet će i stvorit će se osnove za bolju i prosperitetnu budućnost za sve građane u Brčkom“, kazao je supervizor.

Predsjednik Uprave STUDEN&Co Holding Ilija Studen kazao je da je očekivati da će razvoj biti ubrzan u narednih tri do pet godina i da će se s drugim projektom započeti ove godine.

„Nadamo se da ćemo ovaj objekat otvoriti na jesen. Prepostavke su da će ukupna investicija biti preko 250 miliona maraka. Planirano je oko hiljadu novih radnih mesta, zavisno od kretanja i vrste poslova. U prvoj fazi radit ćemo na prehrambenoj industriji, također radit će se proizvodi iz drvne industrije kao i oprema za zdravstvenu zaštitu“, kazao je Studen.

Ambasadorica Austrije u BiH Ulrike Hartmann je naglasila da je Austrija najveći investitor u BiH.

„Brčko je blizu Evropske unije i s novom infrastrukturom i infrastrukturnim projektima kao i s ovim centrom mislim da će biti dobro za strane investitore, posebno za austrijske. Brčko može da bude dobar signal za čitavu BiH“, kazala je ambasadorica. Nakon polaganja kamena temeljca održana je i prezentacija STUDEN Business Center.



Na 12. vanrednoj sjednici Skupštine Brčko distrikta Bosne i Hercegovine prim. dr. Zijad Nišić izabran je za novog gradonačelnika Distrikta.

Skupštinski zastupnici razriješili su s dužnosti dosadašnjeg gradonačelnika Eseda Kadrića te većinom glasova izabrali dr. Nišića za novog gradonačelnika Brčko distrikta BiH.

Prije imenovanja za gradonačelnika Nišić je obnašao funkciju zastupnika u Skupštini Distrikta.

**prim. Dr. Zijad Nišić
izabran za gradonačelnika
Brčko distrikta BiH**



Влада усвојила приједлоге Одјељења за образовање везано за школску 2023/2024. годину и стипендије

На 33. ванредној сједници Владе Брчко дистрикта Босне и Херцеговине усвојени су приједлози Одјељења за образовање, а тичу се броја ученика за упис у средње школе Брчко дистрикта БиХ, као и висине и броја стипендија које се додјељују редовним студентима првог и другог циклуса студија за 2023. годину.

Влада је усвојила Одлуку о висини и броју стипендија који ће се додијелити редовним студентима првог и другог циклуса студија за 2023. годину у укупном износу од 1.271.000,00 КМ.

250 стипендија ће се додијелити, како слиједи:

- до 35 стипендија студентима прве године првог циклуса студија на високошколским установама који су проглашени ученицима генерације, или су остварили просјечну оцену 5,00 у свим годинама четверогодишњег средњег образовања а који по истом основу нису били корисници стипендије;
- до 5 стипендија студентима друге и виших година првог циклуса студија који имају просјек оцјена 10,00 или 5,00 у систему оцењивања од 1 до 5 на јавним високошколским установама;

- до 5 стипендија студентима са посебним потребама који су прва или виша година првог циклуса студија;
- до 3 стипендије студентима припадницима националне мањине који су прва или виша година првог циклуса студија;
- до 5 стипендије студентима прве и виших година првог циклуса студија на високошколским установама који су без оба родитеља,
- до 167 стипендија студентима друге и виших година првог циклуса студија,
- до 30 стипендија студентима прве и друге године другог циклуса студија.

Редовним студентима прве године првог циклуса студија на високошколским установама који су у академској 2021/22. години били проглашени ученицима генерације или који су имали просјек оцјена 5,00 за вријеме четверогодишњег средњег образовања додијелиће се до 35 стипендија. Влада је такође усвојила Одлуку којом се одређује број од 694 ученика распоређених у 35 одјељења за упис у прве разреде средњих школа Брчко дистрикта БиХ за школску 2023/2024. годину по смјеровима, степену образовања, броју одјељења и броју ученика.



**Gradonačelnik Nišić
upriličio prijem
za dosadašnje
gradonačelnike Distrikta**



Gradonačelnik Brčko distrikta Bosne i Hercegovine prim. dr. Zijad Nišić upriličio je prijem za dosadašnje gradonačelnike Distrikta pa su tako prijemu prisustvovali Branko Damjanac, Mirsad Đapo, dr. Dragan Pajić, dr. Miroslav Gavrić, dr. Anto Domić, Siniša Milić i Esed Kadrić.

„Za ovo sam se odlučio da bih na prvom mjestu dobio sve informacije i vizije kako je izgledao Brčko distrikt BiH i u kom pravcu da se razvija. To su iste koordinate koje su bile u početku od uspostave Distrikta, možda i najteži period kojim je rukovodio, nažalost rano preminuli gospodin Siniša Kisić. Ovo je kao konferencija ili kongres političara, ekonomista, jedna značajna sjednica na kojoj sam dobio uvid kako nastaviti dalje, jedno veliko iskustvo koje će ja svakako upotrijebiti i ovu saradnju nastaviti“, izjavio je gradonačelnik Nišić.

Svoje utiske sa sastanka podijelio je i drugi gradonačelnik Brčko distrikta BiH Branko Damjanac.

„Bilo je zaista dobrih prijedloga i jedan osnovni zaključak bi bio da se u dalnjem procesu ne stoji, nego da i mi sa svoje strane utičemo na određenu politiku i na javno mnjenje da se situacija može promijeniti uz veći angažman ljudi i organizaciju stavljanja u funkciju kadrova Vlade, javnih preduzeća, institucija, da bi se popravilo stanje i u zdravstvu, obrazovanju i u svim ovim djelatnostima koje imamo izgradimo do temelja. Ja sam optimista u tom pogledu, ako budemo zajednički djelovali, a manje dijelili i svađali oko ovih općih političkih stvari, da ćemo i uspjeti“, izjavio je Branko Damjanac.

„Ja sam nekoliko stvari sugerisao gradonačelniku, s tim što sam naveo da će u sljedećih 15 do mjesec dana predstaviti jedno svoje viđenje šta se može kratkoročno i šta u periodu od dvije godine, koliko je mandat ovog gradonačelnika, uraditi, a tiče se socijalne pomoći, oblast energetike i obrazovanja“, naglasio je Mirsad Đapo.



Gradonačelnik prvim potezom svečano otvorio „I i II pozivni međunarodni turnir u šahu“

Gradonačelnik Brčko distrikta Bosne i Hercegovine prim. dr. Zijad Nišić u prostorijama Udruženja penzionera u Brčkom prvim potezom svečano je otvorio „I i II pozivni međunarodni turnir u šahu“.

Gradonačelnik je pohvalio organizaciju turnira i kazao da je ponosan što se danas u gradu nalaze i dva velemajstora iz drugih država.

„Trebamo vratiti značaj i popularnost šaha i potruditi će se da u svom mandatu turnir preraste u tradicionalni. Važno je poticati igre poput šaha, koje razvijaju strategiju i kreativnost, a istovremeno su zabavne i izazovne“, kazao je gradonačelnik.

Predsjednik Udruženja penzionera Republike Srpske u Brčkom Veljko Zlatović zahvalio se gradonačelniku na dolasku i naglasio da se nada da će se nastaviti s

kvalitetnom saradnjom s Vladom.

Predsjednik Šahovskog kluba „Velemajstor“ iz Brčkog Sandro Mikanović podsjetio je da je turnir međunarodnog karaktera u kojem učestvuju četiri države Indija, Francuska, Srbija i BiH.

„S nama su dva velemajstora, dva inter majstora, FIDE-majstor i ostali učesnici. Najmlađi takmičar je iz Indije (15), a najstariji velemajstor dolazi nam iz Francuske. Igra će se po Bergerovom sistemu. Turnir će se odvijati u dva ciklusa i trajat će do 6. aprila“, kazao je Mikanović. Svečanom otvaranju turnira prisustvovao je i šef Kabineta gradonačelnika Nedim Hamzabegović. Organizator turnira je Šahovski klub „Velemajstor“ iz Brčkog, a suorganizator je Udruženje penzionera iz Brčkog.

Vlada Brčko distrikta BiH traži rješenja za zahtjeve radnika u zdravstvu

Vlada Brčko distrikta Bosne i Hercegovine vrlo je ozbiljno razmatrala zahtjeve zaposlenika Javne zdravstvene ustanove „Zdravstveni centar Brčko“ i njihove stavove iznesene tokom najave i trajanja kako štrajka upozorenja tako i generalnog štrajka.

Uvažavajući svu složenost novonastale situacije, Vlada Distrikta je oformila pregovarački tim koji je s dužnim poštovanjem saslušao zahtjeve štrajkačkog odbora o kojima je nekoliko puta razgovarano na najvišem nivou.

Svjesna složenosti uslova u kojima rade radnici u zdravstvu, Vlada Brčko distrikta BiH je prihvatile na razmatranje katalog zahtjeva štrajkačkog odbora s

ciljem iznalaženja rješenja za sve zaposlenike u brčanskom zdravstvu, u skladu sa zakonskim propisima i mogućnostima budžeta.

Sudeći po činjenici da su se zaposlenici Zdravstvenog centra „Bijela“, koji su inicirali štrajk, u punom kapacitetu vratili ispunjavanju radnih obaveza, očekujemo da njihov primjer slijede i ostali zaposlenici u brčanskom zdravstvu.

Vlada će, u skladu s izrečenim stavovima na posljednjoj sjednici ovog organa, kojoj su prisustvovali i predstavnici štrajkačkog odbora, nastaviti da radi na pronaalaženju rješenja kako bi se ispunili zahtjevi uvažavajući zakonske okvire.





INFO

Kancelarija gradonačelnika, Sekretarijat Vlade Brčko distrikta BiH,
Sektor za informisanje Vlade Brčko distrikta BiH
Bulevar mira 1, 76100 Brčko distrikt BiH

vlada.bdcentral.net